



**PEJABAT PERDANA MENTERI  
AKADEMI KENEGARAAN MALAYSIA**

## **SEMINAR KENEGARAAN MALAYSIA MADANI “GURU PEMANKIN PATRIOTISME NEGARA”**

---

PUTRAJAYA, 18 Jun 2025 – YAB Dato’ Seri Anwar bin Ibrahim, Perdana Menteri, hari ini telah menyempurnakan Seminar Kenegaraan Malaysia MADANI bertemakan "Guru Pemangkin Patriotisme Negara" bertempat di Auditorium Tun Azizan Zainul Abidin, Kompleks Perbadanan Putrajaya.

Seminar berimpak tinggi ini merupakan anjuran Akademi Kenegaraan Malaysia (AKM), Pejabat Perdana Menteri, yang menghimpunkan lebih 1,000 orang pendidik negara termasuk pesara guru, warga pendidik dari sekitar Kuala Lumpur dan Putrajaya serta bakal guru dari Institusi Pendidikan Guru (IPG).

Penganjuran seminar ini bertujuan menghargai jasa dan pengorbanan warga pendidik di samping memperkukuh kefahaman mereka terhadap dasar-dasar Kerajaan, khususnya Malaysia MADANI dalam konteks pendidikan.

Objektif utama seminar ini adalah untuk membentuk warga pendidik yang memahami dan menghayati peranan serta tanggungjawab dalam usaha membina negara bangsa yang holistik.

Selain itu, seminar ini juga menjadi wahana untuk membudayakan enam (6) teras utama Malaysia MADANI ke arah pembinaan modal insan yang kukuh jati diri dan patriotik.

Jasa dan khidmat bakti para pesara guru tidak sesekali dilupakan bahkan segala pengalaman dan pengetahuan mereka amat dihargai dan masih boleh disumbangkan kepada masyarakat dan negara melalui aktiviti Penggerak MADANI di komuniti masing-masing.

Menambah keistimewaan program ini, Prof. Emeritus Datuk Dr. Nik Safiah Karim, yang merupakan guru kepada YAB Perdana Menteri, turut hadir sebagai panel jemputan khas, menjadikan seminar ini bukan sahaja bermakna, malah menyentuh secara peribadi semangat guru yang tidak pernah padam.

Turut hadir memeriahkan majlis ialah YBhg. Tan Sri Shamsul Azri bin Abu Bakar, Ketua Setiausaha Negara (KSN), YBhg. Dato' Dr. Haji Roslan bin Hussin, Ketua Pengarah AKM, YBhg. Dato' Fadlun Mak Ujud, Presiden Perbadanan Putrajaya (PPj), YBhg. Datuk Jemale bin Paiman, Presiden Persatuan Pesara Pegawai Pendidikan Malaysia, YBrs. Cikgu Juhari bin Mohamad Nor, Presiden Kongres Kesatuan Guru-Guru Dalam Perkhidmatan Pelajaran, serta Pegawai-pegawai kanan AKM.

**AKADEMI KENEGARAAN MALAYSIA**

**PEJABAT PERDANA MENTERI**

**18 JUN 2025**

---